

雙

硯

齋

詩

鈔

雙硯齋詩鈔卷六

江甯 鄧廷楨 嶧筠

元日喜晴次日復雪用東坡江上值雪韻兼效禁

體約菴甫鳳洲同作

壬午

三冬雨少田垆龜朔風釀雪老農知江城急景逼除夕  
先集爲霰參差吹夜意將深粟起額曉光乍破冰生髭  
但看樓閣積寒色豈有池沼流春澌饋歲酒香酌清冽  
索逋屐滑防顛危劃然元日大晴霽彤雲施施煙絲絲  
天閭誅蕩照寰海式昭

帝運非人爲陽開陰闔儻變幻此事造物權能持韶景

已教鬯煦姬醲膏更與淪膚肌瑤囊一夜壓青土新劬  
百罰歌紅兒幾行不辨挑菜路萬影疑到張鐙時稜稜  
鐵作高士被片片繡錯夫人幃爆竹滿街殷雷動唐花  
在室朝霞姿化工刻意弄狡獪元氣被宇眞淋漓車馬  
交衢踏璀璨兒童肖物盈階墀放眼江山各泚灑稱心  
牟麥都紛披敲門賀年僕懶應折柬招客伴爭馳隔座  
傳柑致佳話分曹射覆酬深卮作詩不許持寸鐵侍史  
捧硯筵閒隨醉歸紅鐙大如斗出門一笑將安之

越日復雪疊東坡韻仍用禁體

油卜不用燔枯龜盈尺兆瑞人人知前宵已鋪大地滿

越日又逐長風吹天公善戲兼嗜雅不管詩人撚斷髭  
墨瀋堅凝筆難運炭火緩炙冰微澌誰與雕鐫作六出  
應是沆瀣來三危連蕤盲棟碎若翦開簾入隙輕如絲  
因方遇圓各殊態成珪合璧皆能爲謝家子弟寶樹列  
梁園賓客青簡持飄飄洛川神女貌細膩姑射仙人肌  
小屏半摺拓雲母清歌數疊煩雪兒平生蹤跡類鴻爪  
去年入

觀元宵時并門冰霰埋馬足新婦閉置嗟車幃今年此  
地邁佳景獻歲一再呈妍姿綏豐豈但徵率育富教亦  
可回澆漓那知宅藩奉

傳不列言金  
紫詔行將搢笏趨

丹墀遙思

蓬瀛更晃耀

宮花

禁柳皆離披諸君長劍束行李我亦短勒勞驅馳姑盡  
清歡對華燭莫辭薄醉傾瓊卮繁影迷天凍雲合無聲  
落地春風隨此情此景樂復樂言之不足長言之

喜晴再疊東坡韻索蘊甫鳳洲作

寒宵揮翰手不龜詩人有興天公知頻頻賦雪盧才盡  
濃陰頃刻清颺吹淨洗銅鉦發晶彩不許青山生白髭

冰筋還從屋角挂江聲漸向沙頭澌修篁折腰愈菁翠  
瘦石露骨將欲危老梅垂垂破香藥嫩柳裊裊搖青絲  
乾坤翕闢自有宰陰陽鑪炭誰能爲千門萬戶競汎掃  
長柄大帚奚童持甘膏已看活地脈暖意漸覺融人肌  
春蔬堆盤宴熟客花鐙入市歡羣兒高士登樓發清嘯  
殘羹快賞須乘時何物書生戀美睡伸脚踏破萊公幃  
佳人對鏡試妝竟欲鬥明媚呈芳姿行田負手老農喜  
邨醪一醉酣淋漓疆臣飛騎報瑞雪清晨獻表鋪  
龍墀我作新詩當嘉頌長歌險韻重重披濡染霜毫急  
奔馳蓐食不俟介馬馳一鼓再衰三恐竭助戰更倒瓠

琉璃諸君堂堂大國楚安肯讓我張如隨請賈餘勇去  
摩壘爲君援枹而鼓之

二月十六日喜晴是日得代將赴江西

乾鵲聲中晝啟關杏花纔欲破朱顏風光戀客難爲別  
雲意如人且暫閒泛泛鳴頭添漢水迢迢螺髻擁荆山  
懸思放櫂春江去飽啖鰻魚過別灣

武昌曉發亭午遂達黃州

百里齊安郡長風半日催江聲自東去山勢欲西來坂  
度黃泥遠帆迎赤壁開坡翁仙魄在喚起酌千杯

寒溪西山寺

看山不遊山恐被山靈笑清晨亂流渡汰榜已清妙輕  
風起微波初日出有曜舍舟御籃輿仄徑入幽窅山深  
不見寺愈入乃愈峭于于戒僧迎磔磔野禽叫三泉噴  
湧涵九曲鬱精奧努力登西峯腰腳幸能到撥雲蔭古  
木左右縱遐眺大江橫匹練寒溪瀉飛瀑俯瞰武昌城  
萬堞勢排冪

清時無戰伐鎖鑰亦險要高亭紀蘇蹟小峴說吳造頗  
憶涪翁詩如聞庾亮嘯英雄與名士意氣各騰踔江山  
自千古慷慨此憑弔拂石暫休憩誰鑿太古竅謾謾松  
風生茶煙嫋石銚下山覓歸途泝流放飛權回首白雲



深半嶺銜夕照

守風樊口

江豚吹浪過前灣  
細草平沙曲曲環  
暮雨帆檣樊口渡  
春雲樓閣武昌山  
蓬茅厯落沿溪少  
斧斨低昂盡日間  
好向槎頭收縮項  
半醒相對醉顏殷

道士泐

山柳搖綠稊山花破紅鵲  
平岡如修蛇一碧三十里  
江流忽漩湫山勢悄然止  
鬱怒不可回絕壁蹴空起  
毓疏虎負嶠嶄巖犀劃水濛  
濛煙霧中龍鍾一道士  
禿髮不岸幘赤足豈納履  
江山日千態此地殊譎詭  
換枕逼危

磯相向尺有咫揖之入船窗蒼翠沁肌理

九江

畫角聲吹隔岸聞水天一色白沄沄朝潮夕汐雙姑嫁  
楚尾吳頭九派分商婦琵琶船上月匡君履舄洞中雲  
柴桑歸去香山老誰與江州張一軍

望廬山

朝發潯陽城渾灑見廬嶽決昔入煙靄去天不盈握雲  
氣仙幢來石骨鬼斧斲鑪峯示隱見開先託真邈眞面  
竟何在峯嶺自确犖昔人在山中所見猶未確矧我在  
山外而敢句空琢高堅與前後如顏苦孔卓理境未深

造安能事講學下馬憩東林溪聲聽瀨潄低徊二笑堂  
何時謝塵濁

初到南昌二首

一聲津鼓午潮生又駐幃幃帝子城江上鳧鷖知客到  
圖中蛟蝶隔花迎地輿高控湖山迴星象平分翼軫明  
兩字標題說屏翰莫教官職愧聲名

百花洲外散鳴珂美盡東南語不訛廣座官僚今雨少

毓中丞撫楚時楨爲臬司蘇雲峴觀察督糧關中楨爲  
郡守此外王蓮府學使史栗園廉訪王式庵王小竹兩  
觀察賀藕耕王子卿屠琴陽三太守陳曉  
峯董奕山譚琴岩三司馬皆京師舊雨也廿年師友此  
邦多南昌彭文勤公爲楨座師大庾戴文端公爲節師  
又爲舉主皆先後歸道山南昌方容齋學士樂平

鄒理堂給諫亦下世其見在者前輩則有汪異泉張四  
香兩先生同年則有李鹿坪漕帥陳石士太史謝蕉石  
觀察吳蘭雪舍人皆知交之莫逆者然皆宦遊  
四方不亦絕跡都會今昔聚散之感能無慨然  
瓜期正  
及三春去戴金谿前會今昔聚散之感能無慨然瓜期正  
受事將行孔荃谿擢延建邵道亦在吉安候  
代蕩節重逢四牡過王省厓玉研農兩先生奉  
檳適至又尤喜家人渡彭蠡向儂圍坐話晴波  
得相見

### 喜晴

微雨中宵止遙天欲放晴風催柳條長雲讓菜花明  
舍低煙盡溪橋細浪生  
舉帷行百里一路問春耕

### 小齋

疊石爲山整復斜沿階細草自鬢髭  
春風春雨無人管

開盡閒庭木筆花

燈下繙閱舊作自題

我雖不工詩展卷觸所嗜古人名一家各各出新意少  
小誦六朝美哉金粉氣稍長涉王孟清遠造初地青蓮  
與浣花乃不敢思議元白抒性靈往往入淺易翻然慕  
玉溪未敢嗤獼祭有宋喜蘇陸宗風能不墜坡翁固雄  
快劍南亦堅緻愛博情不專坐此失精義如噉五侯鯖  
雜俎豈有味偶爾窺藩籬亦頗肖一二無如齟齬難去  
肉饋以洎卽今檢所存了不見深致五十已無聞此後  
復何冀造物假我年糟粕定吐棄山水寫清音猶當立

漢幟

壬午七月以前守西安鞠獄失實赴陝對簿爰書

既定率賦此章

聚鐵無端鑄錯成雷霆

命下卻心驚庸愚自分辜臣職遷謫猶能近

帝京不信荆榛逢狹路幸無蕙苴累生平匣中長劍分明在欲倚空同作意鳴

奉

恩旨特免阿爾軍臺之役聞

命感泣恭賦一章

十行

詔下霽

天顏不待他年始

賜環自恨駑駘終覆轍何期麋鹿許還山疏庸屢沐  
君恩厚盤錯方知世路艱閉戶焚香勤省過敢耽泉石  
說清閒

何蘭庭刺史以詩贈行依韻奉答

罪臣猶荷

主知深鑒我曾無暮夜金意外竟償歸骨願閒來難忘  
報

恩心大江東去成長往孔雀南飛費短吟一讀新詩一  
惆悵交情離緒總難禁

出東郭門

去年出東門匹馬朝

天去今年出東門去去江南路江南吾故鄉一別已十  
霜萬竹或無恙三徑恐就荒就荒亦何害先人敝廬在  
不愁白屋貧祇憾朱顏改朱顏能幾何去日苦已多歸  
裘富卷軸畢世堪婆娑婆娑那易得宦海風波黑憶我  
去章江兒女淚沾臆驕兒挽金鞵嬌女解牽衣遙知九  
十日日日望我歸得歸奉



明詔乾鵲當檐噪飛騎報平安計日緘書到書到人亦  
來布帆江上開霜螯與露菊一笑覆深杯

渭南遇雨

白楊風裏雨瀟瀟古驛泥深路轉遙卻憶到家時節好  
隔江紅樹過江湖

郭令公故里

留將一柱竟擎天再造唐家豈偶然不與庸兒膏斧鑕  
愛才難得是青蓮

雨行至華陰偕李明府

庭業

程少尹

志鴻

蕪甫表

兄遊嶽廟登萬壽閣望蓮峯不見坐待逾刻倏

忽開霽三峯儼然亦奇遇也詩以紀之

籃輿半日沿山行馬頭淅瀝秋霖聲亭午雨歇泥沒髀  
壯遊不到青柯坪遊山不成且入廟高閣憑欄縱遐眺  
雲氣深封玉女窗煙鬢不見仙人貌啜茗坐待心徘徊  
須臾颯颯清風來迅掃癡雲赴滄海三峯直對天闔開  
我非退之慕忠介默抱精誠敢下拜山靈有意惜歸人  
爲出蓮花大千界蓮花眞面相向青巨靈高掌擎蒼冥  
幢幢樹影辨毫髮似有羽葆雲中停看山恰遇天風便  
歸人中路還歆羨樓頭拱手謝山靈布韞青鞵會相見

雨中出潼關

終南山盡太行橫雲擁雄關溼不明嶽雨留人羈半日  
河聲迎客下重城過秦慷慨非年少入洛才華愧此生  
帽影鞭絲隨意去時平不用聽雞鳴

伊陽旅次與莼甫表兄話舊三首

的皚秋燈旅夜長家山重話意蒼茫高門難認烏衣巷  
喬木猶餘青嶰堂蚤歲光陰新箭筈舊家池館小滄桑  
釣遊幾處分明記轉眼星星各鬢霜

兒時愛聽老成談疊矩重規訓再三甥舅百年耆碩盡  
崔盧兩姓典型諳傳家各有青氍毹在保世都能白水甘  
記得西州門外路祇將清淚灑羊曇

宦遊南北與君俱廿載賡酬芥蒂無急難何曾輸棗萼  
知音不但爲葭莩題橋意氣三春老結客心情四海孤  
莫更飢驅出門去清樽相約卧菰蒲

白楊樹題壁

朝發古韓城墓宿白楊樹疏樹不成行一一來時路來  
時樹上秋蟬嘶去時樹上寒鴉唳寒鴉啞啞惱人睡好  
夢不到青谿西野寺三更聞疊鼓白楊蕭蕭疑作雨寥  
天一夜飛輕霜敗葉隨風過清汝明月入戶照我牀披  
衣起坐秋宵涼一瓊燒春天欲曙騎馬匆匆出門去

汝州弔東坡先生墓

蝟骨塵寰七百年青楓猶爲護荒阡餘生但喫惠州飯  
萬死纔歸陽羨田春夢有婆真解脫秋墳無鬼共纏綿  
飄然笠屐知何處祇在瓊樓玉宇邊

汝州道上和汪鶴亭刺史題壁韻

聲聲社鼓響秋風隴畔扶歸有醉翁槲葉滿街邨店小  
蘆花半岸野渠通擔頭葱糝來其白釜上椒添不托紅  
一種天涯倦遊客

江詩乃自甘肅  
解組南歸時作

止將詩句弔坡公

露宿函谷關下

震耳河聲吼東征客路迷泥塗窮馬跡薄笨暫雞棲新  
月銜山小寒聲隔岸低更無關尹問愁聽夜烏啼

舟中望壽州

摩空一塔瘦玲瓏落日孤城莽蒼中  
名士旌旗迷廢壘亂山草木動秋風  
漁莊歷落長淮浸估楫聯翩下蔡通  
遙指瀧岡懷舊澤百年松檟鬱蔥蔥

清流關

鳥道入空碧丸泥扼此關干戈紛五代  
風雨接三山雲氣諸天合煙光大地環  
醉眸何處豁倚劍一躋攀

滁州

清流關下路江表此維屏麥灑千畦綠  
山環一郡青人家入林壑官道出郊坰  
六一風流在言尋豐樂亭

到家日作

樂府新刪行路難故園風景足盤桓牆垣不峻天纔大  
亭館無多地更寬竹外秋城有山意水邊霜葉當花看  
閒吟冷醉都隨分掃籜重栽子夏冠

十一月十九日消寒第一集分賦得木瓜

爾雅名稱楸秋深薦木瓜含瓢非麤實結藥近棠花色  
重分金顆香輕逗茜紗沈時休伴李供處或宜茶號豈  
青門借珍應白屋誇登盤同佛手籠袖戲童牙衛國琚  
旋報宣州紙漫遮黃梅方破臘相向鬪清華

大風登北極閣悠然臺坐三賢祠贈汪朗園

十年不還山鄉思日以積被

命放歸里驚馬謝羈勒側聞悠然臺近作幽人宅

朗園寄居

三賢祠如主人然

乘興思躋攀竟蠟阮孚屐冷然御風行鼓我

退飛鶴賈勇上高閣去天不盈尺晨起雲能撻夜坐星  
可摘白華古詩人邂逅展良覲種花時荷鋤愛客屢岸  
憤相將三賢祠清泉啜寒碧齊梁劫灰餘留此金粉蹟  
江上助感喟唾壺奮欲擊有景不能道但見詩滿壁拱  
手覓歸途回眺斷霞赤

立春蒙城道中大雪再用東坡韻二首

似爲東皇貢縞織輕裁細翦特精嚴土牛乍出新搏粉



竹馬羣嬉學負鹽柳絮亂飛何妥宅梅花暗落壽陽檐  
抽毫疑作相如賦已有寒冰上筆尖

枯草平沙啄暮鴉東風拂面欲回車寒深誰送逡巡酒  
春至能開頃刻花到處鴻泥工作客稱身鶴氅最思家  
臨河店裏餐魚膾漁火星星尙可叉

除夕歸自譙郡見冬初所種紅梅俱已盛開喜而  
有作

風波定後卻還家萬事無須且種花一去清過成小別  
再歸除夜好年華舊移竹尙留殘雪新補梅都爛晚霞  
滿引屠蘇對花酌醅顏相向鬪丹砂

卷六終

雙硯齋詩鈔卷七

江甯 鄧廷楨 嶰筠

郊行書所見二首

癸未

柳枝蘸春波宛轉相與綠東風吹我裳直過蔣山麓疑  
有隱君子結廬避塵俗今日不匆匆爲唱渭城曲  
桃華紅半城隨客出城去逶迤三十里窈窕一千樹行  
行蔣侯祠去去郭璞墓卻憶十年前臨平山下路

以筍餉彭逸湄逸湄作詩言謝依韻奉答

春泥不用市頭擔自荷鴉鋤剛滿籃要引詩人工覓句  
故將禪味與分甘君無俗骨應滄玉我有荒園忘佩簪

卻笑空腸止芒角未堪拈韻較青藍

病起

十日春陰一刹那小龕新起病維摩竹萌高節殷勤長  
芍藥芳期黯淡過潑潑池塘魚欲上悄悄門巷雀堪羅  
莫愁湖有前時約會買漁舫盪綠波

長日沈陰坐觀元化意有所得輒述以詩

小園物物荷天工宜暖宜寒百不同最得花情雲與月  
能傳竹韻雨兼風因留鳥宿生新綠爲引魚唼落亂紅  
若使步兵知此意平生何用哭途窮

久雨

混沌不可鑿天如人宿醒竹風忘夏氣蕉雨誤秋聲一  
鷺破煙去雙鳩辭樹鳴農夫與蠶婦相向若爲情

觀劇絕句十二首

斜封勅下玉妃來露井桃花昨夜開從此六宮無粉黛  
樓東閒煞一枝梅

金釵釧合笑相偎死死生不生不化灰卻怪玉魚從葬後  
肯教方士重攜回

山鬼羅衣詎等閒倚樓讀罷淚斑斑一杯自酌空同劍  
要爾收京破祿山

慷慨長歌更短歌梨園白髮奈愁何霓裳舊譜淋鈴曲

併入琵琶血淚多

非想天連兜率天梨花深院玉嬋娟眉痕鬢影匆匆過  
臨去秋波劇可憐

斗帳垂垂疊浪紋巫山十二夢朝雲有人背立紅窗外  
露溼泥金蛺蝶裙

藕花香裏兩鴛鴦閒理金徽勸玉觴知否王孫春草綠  
有人相對泣糟糠

喁喁恩怨素心違底事當歸卻不歸君莫斷腸儂有意  
嫁雞原要逐雞飛

紅袖參禪悔昨非散花天女愛花飛從今撇下蒲團去

不著雲堂壞色衣

險語驚人棒喝同  
冷泉亭上滑稽雄  
暫時辜負西來意  
丞相新封益國公

漫灑英雄淚  
幾行禪心壯志兩荒唐  
天涯從此無拘管  
一路西風米汁香

花天酒地度人難  
雲水瀟湘倚醉看  
便做神仙也辛苦  
又攜甕枕下邯鄲

贈瞿秩山觀察

叱馭邛徠舊策勳  
江南花落始逢君  
歸袞祇有峨眉雪  
卜築新鋤鍾阜雲  
淮水鳧鷖迎客慣  
毘陵風雨隔江聞

方干唐介都招隱

謂茶山廉訪  
陶山觀察

好與聯吟話夕曛

題甘夢六吳越載書圖

萬頃滄江虹貫月秣陵處士歸帆發不載醇醪不載花  
爲有奇書耽入骨君家卷軸百城環琳琅滿貯屋三間  
雲深自擬琅嬛洞客到如遊宛委山得隴望蜀求快意  
一舸東遊眞好事雞次龍威未足珍更搜禹穴响嘯字  
苕溪春水錢塘潮八百平江送畫橈行過江南煙月地  
直將奇麗鬥金焦

登舟後逆風苦雨作此破悶

十日曾無一日晴船頭風雨送秋聲蒲帆老作投閒客

秣酒權充破陣兵，蹙蹙移舟艱百步。  
蒼茫弭權欲三更，廿年于役真堪笑。  
總是挖泥帶水行。

揚州呈葉健庵中丞

建牙手布八閩春

詔許懸車拜

命新燭物雙瞳，猶翦水憂時兩鬢已堆銀。  
語因話舊寒暄少，交以忘年臭味親。  
笑指前榮讀書處，曾孫頭角盡嶙峋。

過露筋祠

嗚咽寒潮暮未平，靈旗瑟瑟夜涼生。  
門前一片清淮水



細雨斜風促織鳴

袁浦寄內二首

風風雨雨送征驂  
別後情懷我最諳  
客路纔過公路浦  
知卿心已到燕南

簡書催我効驅馳  
家事勞卿與拄支  
記取冬閨刀尺夜  
好將經史課諸兒

潞河舟中讀劍南集再題

才盡蘇黃後  
先生獨老成  
蕭條琴自惜

先生自題詩稿云放翁老死何

足論廣陵散絕殊堪惜

忠憤劍孤鳴  
秀奪山陰道  
奇爭漢上兵  
湖

山支半壁更與築長城

尤展成明史樂府於勝國故實摭拾畧盡其軼有  
見於他說者輒爲補作聊以效顰

橐橐履

公毋死公死誰成一代史老臣從此長生矣

京師崇國寺有二井

元末京城陷太僕奔井所將躍入寺僧挽之曰國史非公不能也

履聲橐橐登朝堂問

公可是文天祥清水塘邊余闕墓白髮飄蕭奉祠去

十一月十五夜

燕南今夜月偏似故鄉圓寒色三更迴羈懷兩地懸當  
頭遲酒客忘指悟詩禪欲乞姮娥藥相尋玉宇邊

送朱星也秀才

垣

歸金陵次留別韻六首

他鄉同作客生怕說將離豈意酌君酒偏題別所詞吟  
情三月共旅況一鐙知此去江南路迢迢繫所思

白下知名久風流話舊京詩人蕭穎士詞客柳耆卿玉  
筍門生貴金臺驛吏迎萍蹤成小憩節序已頻更

矯首南飛雁翩然憶故鄉曳裙思避俗杖策肯到方家  
近貧猶樂途長健亦忘河梁一攜手暝色正蒼蒼

短策雙輪穩輕裘一店寬風聲生耳後霜氣入眉端斷  
碣東蒙古長江北固寒客程將市月努力好加餐

歸家多樂事暖日下深帷案食妻爲友楹書祖作師探  
梅晴雪後翦韭早春時終是吾廬好何須更寄籬

匏瓜真不食我亦罷參僧飄泊憐鴻印疏庸負鶴徵空  
腸自芒角瘦骨儘圭稜會卜棲霞隱邀君蠟屐登

至日嚴寒戲拈險韻約同人作四首

朔吹威方勁微陽力更孱折腰愁雪竹銷骨笑霜菅華  
唾凝成玉梨顏凍有斑邠風歌栗烈好句邛容刪  
的的簪懸瓦粼粼甲滿街聳肩頻起粟炙手欲燔柴大  
被應難展生綃不可措圍鑪想無鹿獵取鍊銅牌  
几訝石兄倚窗嫌雲母嵌尖風生惻惻殘雪積嶮嶮  
欲尋花窖何須立酒監西清鈴索地曾記說冰銜

初夜息羣籟微聞凍雀雙小園猶語鶴深巷已瘖虬活

火添金鼎燒春倒玉缸何人錦步幃子夜度新腔

入臘再雪寒威彌甚仍用前韻

夜半衾如水微聞隔院彪止垂青帳獨難踏赤趺雙斷  
續巡街柝零丁踞旦腔地鑪重撥起一爲泛雞缸

終朝惟瑾戶隱豹不窺斑冰綴疏髯密風欺瘦骨孱煮  
茶情亦懶堆麪句宜刪努力歲寒節無爲比蒹葭

雲積濃於染霜添淨似措萬家排玉瓦一道結銅街  
璨魚鱗纈毳鵝項牌野人知酒價弛擔換松柴

頗愁行役者策蹇度巖巉屋角青帘黯山頭白玉嵌  
僮

奴腰易折羸馬尾難銜絕少侵晨客關門卽用監

時星也將

歸南

癸未生日

華年易過漸知非獨荷

生成遇亦稀已分歸耕從野老又看拜

命整朝衣馬因市骨當風立鳥爲銜環傍日飛珍重歲  
寒頻勵節莫將才盡負

恩暉

朱星也旣兩和前作越日復疊前韻乃再和之

睡鴨沈金鼎潛鱗隱翠缸  
貫裘誰駐馬送炭或驚彪  
就暖狸奴小衝寒雁婦雙  
何時春信到吹徹賣餠腔

銀海光無際，翻疑白石巉。同雲千嶂合，斜日半窗銜。几  
避涼珠設，牀宜煖玉嵌。火攻眞上策，軍令不須監。

盤煮連根菜，廚燒帶葉柴。把杯思卯飲，擁被過辰牌。錦  
厨重重展，花瓷細細揩。羨他遊俠客，裘馬洛陽街。

強起窺園去，圍丁嬾刈菅。唐花遲破蘂，庭蘚漸生斑。鶴  
擎何人健，蝸廬笑我孱。催詩頻擊鉢，蕪累可容刪。

臘八再用前韻索星也和

乍霽寒逾甚，堅凌未泮缸。冰菹抽乙乙，銀蒜押雙雙。獻  
炙誇遼豕，迎曦吠蜀尪。瓶笙差可聽，宮徵發清腔。

獸炭如山立，天然齒角巉。口脂和雪化，肌粟笑珠嵌。橘

爲求仙剖杯因樂聖銜買春思貸潤河凍已無監

孤館圖休暇逃名似曳柴腕僵收筆陣手冷罷詩脾  
敝屣延賓倒長檠課僕措讓他朱紫客騶唱去籠街

臘日雙弓米休將舊俗剛餉鄰香氣散書帖墨痕斑  
每憶冬春足因憐凍骨孱災黎蒙

闔澤敢說命如菅

青雲艸堂消寒第一集以玉梅花下交三九分韻

探得花下字

江南富煙月江北饒風沙茲土大如礪有雪無梅花  
悠然懷故山萬樹方含葩欲歸苦未得鴻爪空天涯  
鄉人



聚三五強醕呼銀槎侑以凌波仙微香襲窗紗雪色照  
瑤席城鼓聽三搗起視屋角西半缺寒蟾斜

咄哉迦陵翁填詞碧窗下雲郎與捧硯麗句水銀瀉小  
枕欹紅蕤銀箏訴遙夜我無髯生才點筆恐遭罵百罰  
不敢辭割鮮紛獻炙寒菹嚼冰壺霜橘擘絲幌邀人舞  
渾脫墮幘助嗚咤喚起長安春貂裘揮手謝

宮保制府礪堂先生以

御賜鹿肉分資恭賦

酺筵宣敕

賜銀磨

玉饌遙頒出

尙方漢苑擒生借白雉

堯廚行炙勝黃羊泥封捧入油幢暖  
桐酒傳來驛路香  
萃野相呼真好士大官珍味許分嘗

屠可如方伯

之申

以鹿尾見餉賦謝

飈輪搏雪大如掌堅冰夜作裂帛響  
閉關深坐披蒙戎  
寔尾跋胡粟在顙忽聞敲門食指動  
發篋雲肪截兩兩  
長安此物貴難致失喜良朋肯分饌  
鐵嶺風急百草枯  
紇千凍雀愁相呼黃頭鮮卑好身手  
韉刀帕首貂襜褕  
金罇殷雷馬逐電蹴踏狡兔殲雄狐  
射麋麗龜更神勇

血濺箭褶紅糝糊

君王在鎬方開讌跪獻

天廚充玉膳行酒休誇詐馬筵割鮮不數仁虞院中使  
傳宣

賜近臣金盤捧出長楊殿珍羞突過一封駝羊酪馬湏  
安足羨五陵貴族多豪華競購往往嗤穉豕膏腴徑寸  
置房俎萬錢下箸爭相誇頭驚宴上酒船進蓼蘇雜薦  
紅薑芽一筵釀費中人產侯鯖豈入書生家君殊有力  
致佳妙口福分來一粲笑并刀珍重剖瓊漿尾大何須  
愁不掉關西嘖嘖稱潼羊後至眞貽續貂謂作詩如聽

工歌三三拜吾爲叔孫豹

賀何蘭庭由乾州牧擢守漢中

姓名久在

御屏風夾袋推賢況上公好時十年轡引鹿衰斜千里  
軾憑熊山迴廣漢秦川盡江入嘉陵蜀道通蚤脫未央  
書治行

賜車一丈氣如虹

劉黃頭行

元氏鄙人劉黃頭廟地得石一方弗之異也視  
之有字乃乞識字者審視之則石爲唐故宣州

尉某公之配賈夫人墓誌銘撰書者爲夫人猶  
子文則銘後別綴一行云後一千三百年爲劉  
黃頭所發黃頭聞其有己名也乃大駭異縣之  
人亦相與詫歎之事聞於太守陶公臆香下縣  
令拓一紙考其所推年數蓋誌作於唐建中二  
年逮今實一千百三年而誌云一千三百年爲  
小誤然劉黃頭之名適合固亦奇矣太守捐以  
見贈爲作此詩

堂封馬鬣何年毀平楚蒼涼暮煙起野人劬地聞登登  
片石規方土花紫誰與劬者劉黃頭一丁不識鋤不休

村學蒙師辨點畫拂拭諦眎文鉤駢最後分明字十二  
千三百年乃出地大書深刻黃頭名拍手譁然稱怪事  
太守嗜古兼嗜奇聞之亟令施瓊椎文體猶餘六朝習  
書法秀整真唐碑長沙後人有淑媛冰雪空闌淚如霰  
半世枯骸托外家一坏淺土辭鄉縣作誌先計發塚年  
數雖小誤名則傳何物黃頭細民耳應識乃在千秋前  
我云此事安足怪傳會神奇毋乃太才人作意誇精能  
造物無端弄狡獪冰泮滹沱石墨新人間知有賈夫人  
他年集古重編錄更與黃頭記夙因

除夕拜分巡通永之

命紀

恩恭賦二章

香薰柏葉歲華闌傾耳

天書下紫鸞冰上馬蹏方叱馭雲中

鳳紙又除官絲毫無補臣心媿菅蒯重收

聖澤寬

閭闔朝正迎瑞日由來此地近長安

和風翦柳露零蕭重剖麟符荷

聖朝

丹筆僉名隨驥尾

此始中間  
旨自川督陳望坡尙書內用  
蕭臬遞遷至楨補授通永道

上烏臺副職補蜂腰

舊制巡道皆帶按察司副使銜楨於庚辰冬由知府擢臬司未歷道

階也山雄左臂瞻

雲近河繞東瀛轉漕遙猶有磬鴻待綏輯好宣

德意趁春韶

雙硯齋詩鈔卷七終

雙硯齋詩鈔

卷七

十三



雙硯齋詩鈔卷八

江甯 鄧廷楨 嶰筠

潞河晚渡

甲申

問渡來芳甸言過通潞亭峯巒沈夕照  
燈火帶春星月上潮仍白沙平麥自青  
去年重九日此地記揚舲

三河曉發

策馬出東郭鳥嘯紅杏林月光延曉色  
嵐氣作春陰官路浮沙遠溪流入麥深  
荷鋤耕者出一慰勸農心

薊州道中

紫氣環三輔時平鎮獨雄  
河流通析木山色接無終  
薊

麥前邨雨桃花昨夜風田盤如畫裏一路送青蔥

白石門至馬蘭峪

亭障簇芙蓉丸泥不用封巖疆抱孤竹絕塞枕居庸  
嫺嫺營邊柳丸丸嶺上松蓬萊雲五色深護

鼎湖龍

呈總戎繼蓮龕

昌同年

三載重相見春風問字亭鬢因籌筆白眼爲愛才青好  
句傳紅杏

見示詠杏花詩

羣山列黛屏旌旗思易水輝映兩文

星

謂果益亭總戎時鎮泰甯

四月十四日夜分微雨

乍聞浙瀝便欣然傾耳虛窗夜不眠  
安得繁聲如羯鼓亂催花片落階前

巡河卽事四首

頻歲愁霖極平原濁浪吞龍蛇  
居舊縣鴻雁去殘邨  
水成沙磧強潮過海門  
澹災應有策鍾釜不須論

聞道桑乾水南趨患已深  
長隄空保障大澤日漸淫  
積石流須導歸墟跡可尋  
千年陵谷變莫但注桑欽

帝有司空命人將蕩節  
誇入疆先抗疏奉使遂乘槎  
水氣雍奴遠星文析木斜  
南陔與北際極目動咨嗟

牛待庖丁解醫難扁鵲逢直須  
批窾卻未可恃彌縫章

奏勞司議金錢仰大農何時看作父三壤奠  
堯封

憶萬竹園

吾家萬竿竹籊籊繞清池紅日不到處綠雲無盡時林  
深藏遠堞徑曲隔疏籬自哂經年別寬閒讓鷺絲

舟行卽目

一葦舟輕勝筍輿波光野色澹容與林閒老牯背棲鳥  
水際雛貓尾釣魚禾黍濃時沙路仄瓜茄賣後渡船虛  
晚風吹澈清涼界生計輸他結網漁

津門夜發

布帆挂月月滿篷篙師擊汰津門東望海寺前潮汨汨  
柳樹澗外風蓬蓬風聲潮聲聒兩耳明月伴人三十里  
鄰船吹笛叫入雲白鷺排檣一雙起主人送客飛騎遙  
煙中片語遠相招推窗小啜花瓷茗回首丁沽第幾橋  
浪花和月落前汀

楊邨舟中

艣枝搖夢太零星人語灘聲夢裏聽睡醒索茶剛夜半  
舟行遇大風雨

萬斛龍驤不敢行天關欲撼海濤傾射潮雨集錢塘弩  
如墨雲催鐵甲兵大木號風驅闕虎斷崖穿溜吸長鯨

阿香一怒東南去笑指西山得晚晴

舟中閒眺

水邨對船窗可作畫  
看坡陀倚茅屋浦澗接柳岸冥  
冥樹陰聚漠漠炊煙散  
漁舸繫三兩寺角露一半雲容  
水墨濃霧氣縑素斷  
得意在平遠何來此妙腕舟中乏  
卷軸聊以當展玩  
營邱與河陽相賞一笑粲

題李海帆觀察

宗傳海上釣鼈圖

釣鼈仙人捉月去一竿  
擲向樽桑東君從何處卻拾得  
箕踞俯瞰馮夷宮  
鹿盧躡底踏雌霓  
霓蠡勺亭上乘長風  
羲和敲日渤澥紫蛟虎  
跋浪珊瑚紅投綸大喝弱水立

戴山突出之杳空天吳笑倒龍伯怒如此作劇洵豪雄  
丈夫意氣渺滄海凡鱗豈足勞絲筒卽今轉漕渡京口  
龍驤坐擁千艨艟金鼇峯接海門近津鼓打徹鼉逢逢  
况復東南亟水利具區三萬波冥濛請君更試射潮手  
小遊戲乃真神通鱷魚遠徙鴻雁集斷鼇立極銘豐功  
悼吳姬姬以七月初四日委化余以閏月二日  
得家信始聞其耗時方議接取來署也  
枝頭鷓鴣盡情唳支枕淒涼夢欲迷迎汝正思題畫楫  
愁余翻令悼空閨老夫子子原孤客稚子雙雙累病妻  
一載江南成永訣當時簾下惜分攜

爲顧晴芬皐少農同年題水竹柴門圖

梁谿谿水碧  
法法左右脩竹新  
陰分君家谿上飽  
煙雨奇氣吐作春  
空雲自從高躡金  
鰲頂翔步承明弄  
清景嫋嫋柯亭竹  
數竿溶溶太液波  
千頃翛然逸興思  
菰蘆渲染縑素聊  
自娛王維頗愛朝  
川畫庾信雅憶先  
人廬張涇明漪清  
絕底柯山蒼蒼接  
天起此君把臂與  
要盟有田不歸如  
此水使節前年下  
淞江錦衣晝日過  
鄉邦手持英蕩留  
不得白雲回望空  
幢幢邗上偶逢寫  
生手不寫旌旄寫  
林藪柴門日對太  
湖開翠篠文瀾盡  
吾有惜君茲圖以  
意爲息壤之盟安  
可知蒙也做廬足  
相傲琅玕數萬環  
清池華省君方狎  
鷓鷯林泉邨得容  
君住



冗散如吾胡不歸擬辦青鞵踏莎去

朱虹舫學士同年大考第一作詩志喜兼呈潘芸

閣侍讀

幽燕老將氣沈雄百戰終收第一功前輩風流今日見

是日與試者惟吳霽峯先生以中丞改官編修爲丙辰前輩此外則以辛酉科分爲最深擅場詞賦

幾人工荔峯高躅星辰接荔峯閣學癸亥大考第一亦辛酉同年也芸閣新

篇甲乙同芸閣侍讀丁丑大考第一今與虹舫同爲國史館提調又同入高等可稱盛事

袞語佇看鸞鶴下受釐

天子在齋宮

時稷方宿齋宮上以有事

親加評定社

中秋夜飲邀劉借邨戴惜初兩孝廉方曉六葉南

屏兩秀才陳蕤浦表兄同作

八月潞河秋水平涼蟾十五正盈盈高筵紅燭共君醉  
良夜碧雲如此清思買桂華舉墜露待開菊圃采初英  
諸公吟興未應減擊鉢時聞三兩聲

爲天津令沈遠亭

蓮生

題畫冊六首

擊汰溯寒潮人在煙中語悠然思鱸魚一帆收乍浦

遠亭

平湖人文恪  
公仲子也

舉帷犯曉風峽水漱寒玉道旁襄陽兒爭唱大隄曲  
素心能幾人促膝蕭齋下撥盡竹鑪灰瓶笙響深夜  
十笏已公屋大似米家艇不沅寒具油挑鐙對清景

楊柳春依依雨雪冬霏霏  
毋爲怨行役王孫行復歸  
行行向海門但見海氣紫  
扶木上朝暎不辨煙與水

甲申仲秋蒙

恩擢授陝西臬使初冬入都展覲

召見於

同樂園恭紀二首

繡衣執法拜

恩新喜覲

天顏正小春宥過屢聞

寬大詔憐才特起廢閒身  
輕車重駕途曾識害馬能除

政始醇朝罷捫心殊媿悚

至尊親許讀書人

連日奉

論云汝因審案獲咎想

是一時疏忽又論云朕細察汝

無私弊又

論云朕因人材難得所以仍用汝又

論云汝會服官陝省故命汝去南山緊要匪類亟宜

整頓又

論云汝讀書

人須明體達用爲朕宣力

同樂芳園接斗魁披星浥露到蓬萊芙蓉小院銅龍啟

楊柳晴波畫鷁開

由

圓明園大宮門東轉東樓門乘舟里許乃達同樂園

也與

仙曹鏘玉佩恰逢

壽寓進金罍

恭逢

恩許誥

皇太后萬壽聖節蒙綺春園隨班行禮

此行

誇向塵寰道竊聽鈞天廣樂來

十月廿七日祈縣夜發

人家帶郭亂雞聲  
寒夜迢迢尙未明星  
斗漫空霜滿地  
天東一掐爪痕生

十一月廿七日內子在江南爲大兒爾恆納婦作

詩寄之

華堂展拜紅氍毹  
廿年新婦今作姑  
佳兒佳婦當快意  
如合尺璧雙明珠  
憶昔青龍在乙丑  
卿來歸作吾家婦  
具榛棗栗升阼階  
一笑開顏慰吾母  
三年生子方仲春  
充閭喜氣聞六親  
牙牙學語漸識字  
含飴每譽兒嶙峋  
荏苒年華疾如電  
蓼莪久廢寢門膳  
成童授室儵今年  
傷哉慈親不及見  
慈親不見慈訓存  
卿所聽受卿能言

婦功勤儉婦德順用以昌後延清明卿當教婦識斯旨  
姑婦相承宜孫子明年繡葆弄孫時有福如姑爲卿喜

甲申生日

我年四十初入秦高車一丈聲麟麟陳臬重來恰五十  
十年瞥眼如鸞輪人生歲月豈易得況閱榮悴嗤勞薪  
前年去此屏江介半生判卧青谿濱忽銜

恩命按通潞梯枕補陟

絲綸新宣防瓠子八閔月又持篋節過潼津兒童父老  
尙相識翩如飛鳥來依人躋堂介壽蹈且舞蓬蓬喚起  
長安春我聞致語劇慙慙齒則加長學未醇曩時意氣

頗騰踔自恃堅白輕緇磷一蹶復振荷

天寵當以敬慎酬

昌辰升沈得失信有命睚眦恩怨何須論  
竭來斂退就新懦如候鑪火功差純勞謙終吉震无咎會當學易完  
吾真

程子衡明經重集杜詩秋興字爲七律八首卽題

其後

挑盡寒窗續帶鐙醉餘詩思劇蒼騰直將覓句陳無已  
翻作悲秋杜少陵碎羽零璣皆妥帖雲斤月斧太精能  
夜深讀罷霜華冷卧聽支機轉玉繩

封印日喜雪並簡平甫

時赴咸陽

三冬無點雪父老頗嗟呀行田憂麥根入市長米價昨  
晚寒雲同北風度滄瀨居然破天慳龍公乃夙駕狂花  
晨已飛細屑午仍下賓朋大歡喜僮僕亦歎咤班春雖  
幾日送臘未降夜人心逼危險天意好整暇譬之淮陰  
兵背水豈厭詐又如李夫人來遲愈嬌妬如裙皺痕襞  
如帟玉光研連豐鎮無縫開簾漸入罅斜侵薜荔牆亂  
撲薔薇架巡檐低打頭覓徑深沒胯平鋪合清渭厚積  
壓太華園中鶴相語橋上驢獨跨莫逐陽烏啼或許瘦  
蟾借衙齋歲云暮紅籬裏黃杷官僚汔小休胥吏亦在



假活火圍熏籠重裯坐精舍新筠纈浮蟻老梅香破麝  
氣王酒可欺才橫詩不怕翻然念汪五驅車執鞞靴簸  
揉似舂糠拊牌當怒罵

雪後

六街逢雪霽往往見春光晴鵲弄新語唐花生暗香  
簫聲不斷綵勝鬱相望卻憶小兒女猶然滯故鄉

梅影和平甫

香魂一縷剛尋得月淡煙疏寒測測百子花釵插鬢來  
雲階何處窺姝色偶然偃蹇上窗遲又似袁安卧起時  
清淺橫斜傳好句豫章死後更無詩

戲詠過山龍

我飲限三蕉而有百川想傾盆太狠籍卧甕徒悵惘奚  
奴出新裁妙比爪搔癢范金代截筒厥製自何昉弗爲  
哆口鯨乃類脩鼻象鼎鉉銘偃僕橋衡勢下上無當等  
玉卮曲柄列仙仗偶折彭澤腰竟扼武關吭坂渡黃泥  
長郡入酒泉廣探索術最工呼吸信詎爽剗刃忽洞胸  
激水可過穎纔看錐穎脫漸聽漏聲響天漿破空垂神  
漢出山仰如糟牀滴珠似錢貫屬緹取之辛家罌承以  
漢廷掌黃封屹不搖碧筩卷共賞剛腸頗空洞瘦骨亦  
倔強挹彼以注茲逆來而順往繫誰錫嘉名蜿蜒略髯

髣持此吸西江酒鱗生泱泱

除夕擬作

商人甌明旣打如願作詩留之

如願如願爾且住聽我留卿好詩句昔年迎卿來青草  
湖邊路湖草依舊青奈何逕求去昨夜醉屠蘇鞭卿卿  
勿怒賈人重三倍安肯與卿忤我今願學竇連波璇圖  
重問襄陽渡祝卿莫作杜蘭香悄影如花隔煙霧相期  
如願年復年何止朝朝與暮暮勿使後人歲歲打灰堆  
浪傳此事千秋由我誤如願如願爾且住

舊門丞留別

及瓜而待又今年繡鎧緋袍做欲穿魚鑰慣聽虛拜將  
鴻泥新印小遊仙整冠白屋君休笑彈鋏朱門事可憐  
來者是他還是我離懷祇在小除前

司命醉後有感

謬托天廚號煙熏土銚頭婦姑終日聒柴米隔宵愁爆  
竹從兒戲膠餉許婢偷一年纔一醉辛苦老糟邱

賈浪仙祭詩迎神送神之曲

勞精神酬酒脯擊鉢三聲當簫鼓小巫大巫慙不舞遲  
君來作騷雅主神之來兮貌素諳一尊瘦佛老瞿曇  
雲爲車風爲馬左攜長吉右東野今夕當筵拜奠擘明

年傾吐筆重把神之去兮歸何鄉錦心繡口環中央

懷陳石士

乙酉

石士近何作

經筵方仲春邇英聞講義前席對儒臣論世著高眼著  
書應等身所希持使節校士向三秦

平甫冒雨至自咸陽

去時雪飛花來時雨散絲花似君才筆絲似君心思將  
絲織花花萬縷來去隨君馬前舞眼光電爛發高吟乙  
乙抽絲花亂吐君去鞭春時君來試鐙節春鐙紅六街  
暮雨復成雪張鐙何必月華明嚼雪能令肺肝徹今宵

白戰雪花前相戒不須持寸鐵

崇聖寺僧以折枝綠牡丹見贈二首

一朵歐家碧移來佛土新釵橫天女鬢袍現宰官身瓔  
珞懸香界樓臺湧法輪是空還是色蓮座證前因  
不用珍珠換天然富貴春疑從步障底窺見墜樓人翠  
袖籠煙重花鈿膩粉勻青尊泛鸚鵡莫厭酒船頻  
爲程子衡題灞橋話別圖卽送其赴試京兆

橋下驚濤拍岸流與君來去此橋頭我來重向長安笑  
君去行爲闔苑遊秋賦定逢楊意薦春波好送李膺舟  
斑駁莫戀垂楊樹他日相期百尺樓

蘭庭作山水便面見贈卽題其上

屋上流泉屋下山開窗終日對煙鬢遠帆幾點出雲際  
浩蕩白鷗相向閒

夏日漫興四首

綠陰廳事晝方長署尾無多未是忙補過可須懲水懦  
書年恰好遇金穰常參吏頗譚經術急遞文惟報雨暘  
休憶大羅天上事人間此地亦清涼

小軒隨意敞疏櫺風物駸駸眼爲青老樹何妨容偃蹇  
雜花肯使怨伶仃息機從不親碁局延爽行當撤畫屏  
牆外梵宮鈴鐸靜聲聲閒趁晚風聽

舍南舍北有松杉蔓草當門手自芟風動簾旌波細細  
雨侵苔繡石巉巉倦來小試柴窯枕浴罷閒披苧布衫  
白苧紫茄堪一飽渾忘世味判酸醎

地擁邠岐亦壯哉每因懷古費新裁關心鄭白渠何在  
過眼瓜壺節又來碑版漸難求宋搨瓦當差可認秦灰  
出門一笑扞襟抱千里終南曙色開

監臨省試得詩四章呈兩主司兼示在事諸公

棘闈襄事及良辰

壽寓天開望

鳳闈

初十日恭逢  
萬壽聖節

皇

五夜光陰分乙丙廿年甘苦



憶庚辛

余以嘉慶庚申辛酉聯舉鄉會試

蠶聲食葉知何處蝶夢生花

定幾人一帶風簷秋色迴就中已釀玉堂春

珠斗寒芒逼上台文星兩兩各仙才工歌周雅真榮矣

詩采秦風亦壯哉老眼自懸秋月朗清心能撥曉雲開

挾句陰雨入關日乃得快晴

今年校藝聞真諦使者親從

講幄來

主司龔季思同年以少詹事直尙書房充

起居注

北海南溟徙復搏龍門咫尺接池干漫誇姓字登科易

須識文章報

國難過眼日華成五色當頭

奎藻戒千官

伏讀

裏客莫教冰鑑負初心小臣祇誦服膺倍高廟聖製詩云寄語至公堂

深菟 堂前多少關心事坐聽蓮花漏點殘

隔簾青鳥信音沈當戶南山入敵吟茶鼎沸餘知晝靜

桂花香裏覺秋深拂雲賓雁橫遙塞叫月歸鴉度遠林

江左山東盡儔侶懷人千里料同心

江南主司劉筠圃侍郎陳石士學士

山東主司朱虹勅閣學皆辛酉同年

讀吳梅村詩書後

開卷先編行路難斯人心事露毫端興亡易局留雙管  
生死含愁誤一官差比虞山多晚蓋已先蠶尾冠騷壇  
表阡尙有高文在

先太史公與先生交最深考妣墓志皆先生作

挑盡秋燈不

忍看

關中追悼費歐餘觀察卽柬令嗣佩青太史二首

牡籥沈沈晝不開故人曾此共徘徊

戊寅科觀察提調文關余爲監試

茶煎北苑晨煙散燭翦西窗夜雨來投分十年知我拙

余於甲戌入陝遂與訂交

浮生一夢惜公才雜蟲得失尋常事擾擾

蚍蜉亦可哀

鎖院重來拾墜歡分襟惜別涕汎瀾縱橫百藥君嬰疾

蹙蹙單車我罷官

壬午科觀察再充提調會余對簿來陝事解將歸觀察送余於貢院門下

殷勤話別各有涕淚觀察時已抱疴竟成永訣

誰料東歸成永訣卻懷西笑又

長安鳳毛喜見超宗繼珍重榮名葆歲寒

中秋連夕風雨十七日始見月

宿雨得新霽霜天月已寒洗將清露影飛上碧雲端籟  
靜遠聞笛樓高遲倚闌妙明心自迴獨夜把杯看

十一月十五日內子挈兒輩至自江南五首

契濶忽相覩團欒在眼前雲從千里合月照一家圓乾  
鵲盡情噪寒梅作意妍長安好風物依舊似當年

廿載爲夫婦關河到處俱曾經共憂患難得此歡娛饋  
食舉眉桮牽衣憐掌珠與卿各華髮珍重保清癯

卯角突而弁催人作老翁難兄方授室諸弟亦成童但  
使知儒素毋爲席厚豐篋中千卷在常照夜鐙紅

新婦登堂拜名門蚤締緣而翁故廉吏與我契忘年琴

瑟容宜靜卮匱禮莫愆雞鳴慎相助黽勉相夫賢

絮語江鄉事更籌入夜闌藏書應好在訊竹可平安幾

日親溫清

丙子便道  
詣亳省觀

何人望急難

故鄉親串大半清田  
貧語次尤爲軫念

園吾不問得意是高寒

### 小有山房待雪

高雲不動靜悄悄竹靄松煙一徑深寒甚更無能語鶴  
晚來時有亂飛禽書堂晝暝鑪香細射圃風多箭羽沈  
坐待龍公新試手舉杯且慰劬農心

### 消寒雜詠四首

#### 瓊簾

繭紙糊窗葦覆檐垂垂一桁最深嚴貧家故物寒猶在  
新婦重幃閉未嫌入隙可容晴雪灑當門不怯曉風尖  
銀荷葉底香多少鎖霧籠煙盡日添

做裘

羊皮狐腋是耶非著體深深暖氣微鍼綫縫紉疑補衲  
兒孫指點說傳衣卅年黯淡齊嬰老六國飄零季子歸  
脫與酒家渾不換留他常伴釣魚磯

手鑪

鳧藻佳名製不訛霜天一日幾摩挲八叉儘讓詩情遠  
十指何勞酒氣呵著處成春名士慣炙來可熱麗人多

便應安向熏籠裏自撥寒灰點翠螺

詩瓢

幾年浪跡伴菰蒲金石歌聲陋巷孤別有新裁爭瓦缶  
莫教依樣畫葫蘆淺深錯擬催詩鉢分合何殊調水符  
一種杖頭沽酒具冷吟殘醉問當壚

消寒同人分賦得蘇蕙錦

征南人去霜風緊玉筍冰凝琥珀枕宛轉心抽獨繭絲  
酸辛手織迴文錦八尺圍欒抵七襄文成八百字生香  
結將越客千重網比似江流九轉腸妾腸寸寸臨風斷  
斷處仍教續成段想像星眸凝睇時直將續命絲同看

團扇秋風恥自媒  
花容原讓趙陽臺  
機中縱有才如錦  
未卜郎心回不回  
封題卻寄襄陽去  
一幅璇璣濯薇露  
朗誦翻愁句  
讀難柔情細  
逐鴛鴦  
鍼度黃絹新詞白紵歌  
果然悔過竇連波  
弄珠浦口迎油壁  
共看天孫再渡河

張良椎

百廿斤鐵重如此  
博浪沙中破空起  
副車碎首祖龍驚  
未到沙邱魄先死  
銷鋒鑄鍊兵氣除  
遺此一椎法亦疏  
譬之焚書燬方烈  
下邳圯上乃受書  
陳勝鋤劉季劍山  
東豪俊揭竿變  
不敢乘盛乘其衰  
甘讓此椎獨先見  
奮椎不能死  
始皇借箸一畫秦  
遂亡功成掉臂學仙去  
自



笑此椎不如箸

東坡生日分賦得鐵拄杖

倚壁瘦蛟蟠入手老龍攫中空韻清冷一洗箏笛惡有  
客來閩嶠持贈助腰腳我思公神人矯若南飛鶴乘風  
便歸去安用此捉搦毋乃惜神物滄桑久飄泊英雄付  
銷磨禪悅謝纏縛攜之訪空同藉以伴繩屨吾謂殊不  
然公意當有託熙豐變新法聚鐵鑄大錯留此百鍊鋼  
或逢大冶躍直節不可回腳跟庶有著黃州與儋耳解  
衣共磅礴眇彼桄榔林薄植笑荏弱有時縱吟嘯卓地  
勝鐘罇儷以鐵如意天花指揮落

歲暮書懷用盡三江韻與葉南屏秀才兒子爾恆

同作

太乙頰空控雄圖說此邦柳營開莽蒼蓮嶽時崆峒雲  
氣排胸盪煙嵐決皆曉金莖誇古帝玉女領仙娥巖種  
恆春樹峯多益壽邛涓汧環水入鄭白浚渠雙雁塔曾  
題石龍門久導洛漢陂舍細浪灞岸走奔瀧斜峪兵傳  
箭潼津估卸雙河魚魴與鯉宛馬駱兼馳繡嶺尋珠鈿  
磻谿問釣矸咸京烽匝匝羯虜鼓碎諱板屋風翻旆沙  
場雪耀鏃時平無戰伐世治課耕耨高隴時驅犢平疇  
或聚蠅桑麻新婦植菖杏老農腔鑿井通泉脈澆田瀉

石淙青門瓜引蔓黃壤豆生躡鷄粒餘紅稻鴉鋤白  
豈秦風原激厲邠俗故敦龐餽臘從豐邑迎春渡漢江  
土牛分彩仗蠟鳳樹翻幢下里聞巴曲高樓度郢腔鯨  
聲騰隱隱鼉韻聽遙遙近郭邨遊集通衢市語哢搖鞭  
馳竹騎打槳鬧燈艘冠蓋紛來往輪轅互擊撞關心祈  
利市連臂賣駮寮戶有宜春帖街無禁夜柳廣庭方獻  
雀深巷不驚虬顧我重乘傳來茲再建幢巡行思芟舍  
利濟媿徒杠才任譏蕭散情難燭黜黜敢誇仁煦煦自  
守信控控學製輪雲錦虛糜費月椿未抽持版手且慎  
履冰躡時值封紅籀朋來問翠缸鰕鬚垂款款蠓眼沸

縱縱綵勝黏梅閣銀旛映茜窗挑蔬盤乍薦焚柏鼎初  
扛蟻貯三朝醞蟲懸二等釭唐花嬌女喜爆竹小兒懽  
儘放華燈照微聞雜珮琤高齋心跡湛嘉客足音楚饋  
歲陳資粉留香擷茝芷神來詩可祭氣王酒能降寒律  
隨年換清鐘向曉攃宵深弄柔翰摘藻頌洪龐

雙硯齋詩鈔卷八終